

## (16) RUNYANKOLE/RUKIGA LEAFLET ON JERUSALEM

### ABASHEEMWE OMURI YESU

### EBIKURU NAMAZIMA GABAIBULI

### YERUSALEMU

Kworaheze kushoma akatabo aka noza kumanya eby'okugarukamu aha bibuzo ebi:

1. Ahabwenki Yerusalemu eriba orurembo ebiro byona omunsi yoona?
2. Noha oriba Omugabe omuri Yerusalemu?
3. Nitunganta omwanya omubukama bwa Ruhanga oburikwija?

#### 1. AHABWENKI YERUSALEMU ERIBA ORUREMBO EBIRO BYONA OMUNSI YOONA?

Ahabwenki ni Yerusalemu, rutari London, Baijingi, NewYork, Roma, nari Moscow? Ekibuzo eki, Baiburi n'ekigarukamu. Yesu Kristo we wenka akagira, "otarirahira nakakye, n'obu ryakuba eiguru, ahakuba n'ekiteebe kya Ruhanga, nobu yakuba ensi; ahakuba nakateebe k'ebigere bye, nobu yakuba Yerusalemu, ahakuba n'orurembo rw'Omukama Omukuru" (Matayo 5:34,35).

Tihariho Omukama omukuru owabaire nategyeyera Yerusalemu obu Yesu yagamba ebigambo ebyo. Aba Roma bakaba bakubwire Abayudaya, Pontia Pilato akaba ari omugabe otarikwemaririra. Ekibi ekirikukiraho kikaba nikizira Yerusalemu. Yesu akahanura ahakyenaku eki ati: "Kumurireba Yerusalemu eyehingurizibwe engabo obwo muryamanya ngu okuhwerekyerera kwayo kuri haihi.... Na Yerusalemu eryaguma neeribatiirirwa abanyamahanga" (Luka 21:20,24).

Omumwaka gwa 70 Yesu amazire kuzarwa amahe gaba Roma gakaba gatwire gehinguririze orurembo, nakakaikuru ka Bayudaya bamazire kuferu omu

kurumbwa okwo, Yerusalemu yagwa. Tihariho omugabe owajunire abantu nari orurembo. Okuruga ahakiro ekyo n'okuhisya hati, tihariho mugabe w'Omuyudaya orategyekire Yerusalemu. Emyaka mingi munonga entaro zikarwanirwayo, abakubuzi bakategyeka, n'obusingye bwabo bwahwaho. Okubonabona n'okufa byaturamu.

Kaneky'obusaasi, ahabw'okuba Yerusalemu nikimanyisa 'ekibuga ky'Obusingye'.

Kwonka bwanyima y'emyaka 1900 batari omu ihanga ryabo emitwaro n'emitwaro ya Buyudaya bakagaruka Palestine omu myaka ya 1940. Eihanga rya Israeli rikatongozibwa 1948. Kandi omu mwaka 1967 Yerusalemu ekagarurwa omumikono ya Bayudaya. Okuruga obwo, entaro n'obutikirizana ahagati ya Bayudaya n'Abaharabu tibwabasisa obusingye kubaho, kandi tihariho omugabe weena otegyekyera omuri Yerusalemu.

Tikishemereire kututangaza. Ahabw'obugomi bwa Israeli, emyaka 600 Yesu atakazirwe, Ruhanga akagamba orikurabira omuri Naabi Ezekieli (21:26,27). Akagambira Omugabe omuri Yerusalemu obwire obwo ati: "Ojuure ekirunga, ndyakijuumika! Tikirigaruka kubaho okuhitsya obu okiineho obushoborozi ariija nkaba niwe naakiha". Nahabwekyo tihariho omugabe orategyeka okuhitsya obu ohikiire eriija.

Yesu Omwana wa Ruhanga, tarakozire enshobi obuyagira ati: "Yerusalemu n'orurembo rw'Omugabe Mukuru". Akaba nahunura. Akaba nareeba hare omu by'ebiro by'omumaisho. Nahati omubiro byaitu ekyaturaganisibwe kikiromubiro by'omumaisho. Hariho abagabe baingi, abagabekazi hamwe n'obutegyeki obwategyekire omunsi. Kwonka enteekateeka ya Ruhanga omunsi n'okugira obukama bumwe hamwe n'omugabe omwe.

Omu myaka y'enyima, Yesu atakazairwe, Ruhanga akagambira Danieli ati, "Ruhanga w'omu Iguru aryataho Obugabe obutaricwekyerezibwa.... Kandi buryagumaho" (Daniel 2:44). Obukama bwa Ruhanga, na Yerusalemu nk'omururembo rukuru, buryaijura ensi. Akatorana omugabe omwe orija, "Aryategyeka okuruga ahamyanka okuhika ahandijo ...ahamuheru gwensi.....

Abagabe boona baryagwa, bajuumare omumaisho ge n'amahanga goona gamuheereza". (Zaburi 72:8-11).

Ego, Yerusalemu neza kuba orurembo rukuru rw'omugabe. Obugabe bw'abantu buryahwaho. Obukama bwa Ruhanga biryaza omumwanya gwabwo.

## 2. NOHA ORIBA OMUGABE OMURI YERUSALEMU?

Ruhanga akatorana Yesu Kristo, Omwana we, kuba Omugabe omuri Yersalemu. Ahabwenki? Ahakuba Yesu nuwe wenka ohikirire, otine kibi, omubantu abarabaireho. Ruhanga akamuzoora kuruga omubafu kandi n'ohuriire ebiro byona. Ahabwenshonga egi, ensi teryetenga omugabe ondijo.

Nk'oku kyamuhanwirweho, akaba aine "Omwoyo gw'obwengye n'okwetegyereza, ogw'okuhanura n'obushoborozi.... Ogw'okumanya n'okutiina MUKAMA" (Isaaya 11:2). Yesu aracwa emanja omukuhikirira (11:4). Ogu oricwa emanja omukuhikirira nuwe ensi erikwenda. "Omwana gw'entaama owaitsirwe ashemereire kuhebwa obushoborozi n'obutungi, n'obwengye, n'amaani n'ekitinisa n'okuhimbisibwa, n'omugisha" (Okushururwa 5:12)

"Obukama bwa Ruhanga" nibyo bigambo ebirihaihi hona omu Baiburi. Hati nitumanya kuburikuza kutandiika, obu Ruhanga "arituma Kristo" kugaruka omunsi (Ebyakozirwe 3:20,21).

Ruhanga akaraganisa “ndyayemeka Omugabe wangye Sayuuni aha rushozi rwangye orurikwera” kandi ahari Yesu namugira ati, “ndyakuha amahanga gabe obutaka bwawe, n’embaju zoonza ezensi zibe eitungo rwawe”. (Zaburi 2:6-8)

Yesu “Mukama w’Obusingye: “aryaragira amahanga kugira Obusingye” okuruga Yerusalemu “Orurembo rw’obusingye”. Kitakutangaza, Ruhanga akagira ati “Tera akaari iwe Yerusalemu! Reeba Omugabe wawe naija ah’ori” (Zakaria 9:9-10). Yesu kwaritegyeka nk’omugabe, “Ebiragiho biryaruga Sayuuni n’Ekigambo kya Mukama kirugye Yerusalemu” (Isaaya 2:3). Kwata amazima aga: Yesu Kristo nagaruka omunsi okuba Omugabe w’ensi yoona.

3. NINTUNGA NTA OMWANYA OMU BUKAMA BWA RUHANGA OBURIKWIJA?  
Buri omwe omuritwe aine emiringo ebiri eyebiro byabwanyima. Eki nikibasika kita? Omuringo gw’okubanza nigukwata ahabiro, emyez,i obundi n’emyaka ebikiri ahanyima yamagara gaitu ag’obuntu agahati. Ebiturikwikiriza, okuturikukozesa obwire bwaitu, nibyo biriretera okusharaho oku amagara gaitu gariba.

Turyagira okushemererwa okwebiro byona omu Bukama bwa Ruhanga, nari turyaza omukufa kw’ebiro byona. Okusharaho n’okwitu kandi twine kukikora juba. Orikugyerageranisa n’obwa Ruhanga, amagara geitu nag’obwire bugufu buzima.

Yesu nagaruka omunsi kuteegyeka nk’Omugabe omuri Yerusalemu. Naija kuteegyeka abantu abaine emibiri y’obuntu omu Israeli. Obukama nibwija kujanjara omunsi yoona. Naija kuba aine abayambi abwomutano, abarayegyese ensi ahabya Ruhanga n’enteekateeka ye. Abayambi abo nibo

abahikirire be, baryaba bahairwe amagara agatahwaho ahakiro ky'okucwerwa emanja.

Okucwa kwemanja kuryabaho Yesu obu arigaruka omunsi (shoma akatabo "OKUZOOKA NOKUCWA ORUBANJA").

Yesu tarikuza kuha buri omwe amagara agatahwaho kwarigaruka. Naza kugaha abo abarikwikiriza Ekigambo kya Ruhanga, Baiburi, kandi bakuratira okwegyesa kwayo. Okwikiriza kurimu okumanya ngu turi abasiisi, okusherura okusaasirwa kwa Ruhanga, okwakira Yesu nk'Omujuni kandi tukabatizibwa "omuri Kristo" kandi tukakwata ebiragiro bya Ruhanga.

Twayehayo omukuhereza, reero ahabwembabazi za Ruhanga nazakutuha amagara agatahwaho arikurabira omuriYesu Kristo Omujuniwaitu kandi Omugabe (Matayo 16:27).

Ekiconco kyamagara agatahwaho nigwo mugisha ogurikurayo ogurahairwe. Teekateeka aha kushemererwa okworiba oine obu oriba notura na Yesu n'abarikwera abeesigwa ebiro byona. Kanekirikubasiika! Nosharaho kukuratira Yesu?

Korakikore, naza kukutorana kuba nawe kandi otegyeke nawe ebiro byona, kwarigaruka nk'Omugabe omuri Yerusalemu.

Tumanyise waba noyenda ebirikuraho eby'okwegyesa kwa Baiburi n'enyikiriza yabaisheemwe omuriKristo.

Handiikira:

CHRISTADELPHIAN BIBLE MISSION

404 Shaftmoor Lane, Birmingham B28 8SZ, UK

OR

CHRISTADELPHIAN (REGIONAL OFFICE – MBARARA)

P.O. Box 885.

